摘藻堂四庫全

書薈

要 经 部

欽定四庫全書齡要 與部本解卷三十八

詳校官祭酒臣幸誠恒

豐以成周之聚命畢公保釐東郊王若曰嗚呼父師 欽定四庫全書管要卷五百七十七經部 東 とり 長 とり 丁 是六月庚午胜越三日壬申王朝步自宗周至于 先王緩定殿家院殷頑民邊于洛邑密通王室式 尚書全解卷三十八 文王武王敷大德于天下用克受殷命惟周公左 命作冊單分居里成周郊作畢命畢命惟十有 周書 林之奇 撰

既没則 動小物獨亮四世正色率下罔不祗師言嘉續多 命畢公以監殺民也漢孔氏曰命之代君陳也唐 先王予小子垂拱仰 孔氏曰盖君陳卒命之使代君陳也其曰盖者疑 公以殷之頑民遷之于洛邑而親自監之周 君陳代其任而懋昭周公之訓此又康 成

道

有升降政由俗華不臧厥臧民罔攸勸惟公懋德

訓既歷三紀世變風移四方無處子一

其代君陳然篇內有曰惟周公克謹厥始惟君陳 2 此序但曰康王命作冊畢分居里成周 命君陳分正東郊成周君陳之代周公經有明 克 見於此命作冊 和 以畢公為終則畢公之代君陳雖無明文而 公盖以周禮內史之職凡命諸侯及孤鄉大夫 殿中惟公克成殿終以周公為始以君陳 者唐孔氏日命内史為 尚書解 郊不明 冊書以 自

'辭未敢必以為然也君陳之序曰周公既没

四國 之言使藏之也左傳城濮之戰襄王命內史叔 父以下皆載於冊晉侯受冊以出則藏之也畢 監 冊命之故知作 無疑也先儒以後為命魯公伯禽誤矣成周郊 命晉侯為侯伯日王謂叔父敬服王命 糾逃王惠晉侯三辭從命受冊以出王謂 殷民康王命 逸祝冊惟告周公其後其冊 冊者內史也冊所以紀載王 作 冊以命之則知洛語曰王 命周公留居

厅口厅

一次とりをという 作策豐刑五康曰豐刑逸書篇名唐孔氏曰此偽作 書志曰畢命豐刑曰惟十有二年六月庚午朏王命 里者康王之命畢公以旌别淑慝表殿宅里殊殿井 因謂之成周郊也篇內曰保釐東郊即此郊也分居 别都之所在故以成周為東郊惟為王城之東郊故 郊之地漢孔氏以成周郊為成定東周郊境誤矣漢 疆便克畏慕故序曰分居里言分其居里於成周東 即君陳序所謂東郊成周成周在王城之東王城者 尚書拜

朏越三日壬申者於朏之後三日并庚午數之故為 為偽作正如偽泰誓之類也惟十有二年東王即位 本而孔壁之書當漢時未行於世故唐孔氏以豐刑 者傳聞舊語得其年月不得以下之辭妄言作豐刑 三六月之五日也豐文王之廟所在豐去宗周鎬京 三日即哉生明也漢志謂六月戊辰朔故三日庚午 耳盖此篇出於孔壁濟南伏生之所傳授者未得其 之十二年也胎者說文日月未盛之明也朏盖月之

至夕日屋台灣

卷三十八

た El o a とこ 厥宅里殊厥并疆為保釐其言皆臲碗不安強生分 之宅爾邑繼爾居以為師保簡厥修進厥良為尹表 保釐東郊從而為之辨其所以不同且告以天命使 稱周公日師保萬民命君陳日尹兹東郊命軍公日 郊之地釐治也與允釐百工之釐同王氏之說以書 廟則以成周所遷殷之餘民而命畢公使保釐於東 之於文王之廟者以畢公文王之子也其至文王之 二十有五里故康王但朝發宗周則可以至馬必命 尚書解

造周皆以其大德布之於天下而民心歸之故天因 武王周公之弟成王之叔父其屬最尊故曰父即天 别自可以彼此移易也王若曰以下此别命之之言 下用克受殷命此言周之所以得天下之始文武之 子謂同姓為叔父伯父也惟文王武王數大德于天 畢公代周公為太師亦代為東方之伯故其朝康王 也率東方諸侯而東王呼之寫父師畢公文王之子 民心使之代殷而受其命以奄甸四海先王指成王 日下了了

卷三十八

承矣王室謂王城王城者所以遷九鼎會諸侯之地 武而其所以安定天下則自周公之邊殷民不必以 先王為文武苟以先王為文武則毖殷頑民上無所 盖謂邊殷頑民者乃周公之所以輔相成王則安定 其國家也先儒及說者多以先王為文武盖其屬於 上文殊不知康王之意言周之所以得天下則自文 于洛色遷頑民在成王之世則知先王為成王無疑 尚書解

也經於左右先王綏定厥家之下即言遊殷頑民遷

者而遷之使親近王室則可以相觀而善馬其勢既 善為何物哉故不能自反於善惟問公既擇其尤頑 其教訓矣殷民之在於故都也盖久染於惡習孰知 成周盖使之親近王都之所在則漸染浸漬可以化 成周皆其所臨泣之地故其以商之頑民遷于洛之 故亦可謂之王室成王之命周公廸将其後也王城 可以相觀而善而又以其教訓日夕而各迪之俾父 詔其子兄詔其弟曉然知善之不可一日舎不善之

卷三十八

傳諸曰使齊人傳之曰一齊人傳之衆楚人外之雖 盖不一而足如多士多方之篇此其可見於經者也 安危惟兹商士則商民之化與不化其係於周家事 孟子曰有楚大夫於此欲其子之齊語也則使齊人 大體重如此周公安得而不慎之哉周公之訓商民 年雖日捷而求其楚亦不可得矣周公欲化商民而 日捷而求其齊也不可得矣引而置之莊嶽之間數 尚書解

不可一日向此其所以式化也恐慎也康王謂邦之

文未知孰是然以既歷三紀觀之則章子平之言非 年而一周天此之謂一紀漢志謂周公攝政七年成 致政之明年方邊商民商民之邊在成王之世已四 王在位三十年共三十七年鄭康成謂成王二十八 年為一紀左傳日是謂一終一星終也言歲星十二 遷之密爾王室此正引而置之莊嶽之間者也十二 年崩章子平則日成王在位四十七年史記既無明 也使成王在位四十七年以七年為周公攝政之年 正 近 江 河 卷三十八

當與時推移也周之得天下民心忧而歸之所處者 易惡而為善盖其漸染浸漬於忠厚之化歷年既久 為一世世變者指成王康王也言周公之遷頑民而 王十二年共四十二年則三紀有餘言三紀者舉其 四紀也不得以為三漢志所言成王三十年與夫康 訓之也至于今已歷三紀矣世又以變則其風俗當 全數也鄭康成之數但少於漢志兩年耳父子相繼

十年矣又加以康王之十二年共五十二年則是歷

惟商民耳尚商民選善遠罪則四方無一不化之民 降也政由俗革者風俗之弊必有偏而不起之處革 日天下有道以道狗身天下無道以身狗道此亦升 子思之言道隆則從而隆道汙則從而汙是也孟子 效此其責在畢公故以此命之也道有升降蘇氏引 豈有不虞之變哉此我一人之所以得享其安寧之 日觀所以失之之由知所以平之之術是也東王此 之者舉其偏以補其弊而已矣所謂由俗革也王朴

於定日華全書 是雖為善者将不能以自固而况他人欲其勸慕之 為善而上之待我者無以異於他人我何以善為哉 上之人知之苟上之人不以之為善則彼將曰我已 由俗草也夫人之為善自非謹獨之君子未有不欲 **臧厥臧者言商民有變而為善汝當以其為善而有** 其曰道有升降者盖因政由俗革之弊而言之也不 言盖欲畢公觀商之頑民所以不善之由而革之耳 以獎厲之則其他將自勸苟不臧厥臧則非所謂政 尚書解

哉表厥宅里藏厥藏之謂也小物猶小事也小事猶 勤則其大可知矣旅葵曰不矜細行終累大德故果 其可以保釐東郊也原王既言其所以革商俗之道 觀人者必自小而知之故異公之克動小物康王知 桓公府見其使才雖履展問亦得其任所以知之盖 拒符堅都超以元必不負舉其言曰吾曾與元共在 故遂稱美異公之德可以草之也四世文武成康也 公之動小物所以想其德也晉謝安舉其姓元為将

一次定日車公書 夏 瞻視儼然人望而畏之者也君子者容止可觀進退 商民之難化哉正色率下孔子所謂正其衣冠尊其 國者有世臣之謂也畢公之稱亮四世所謂世臣孰 文王更武王成王至康王盖國之者文也而能懋德 則畢公在文王之時已居輔相之任矣畢公嘗輔相 國語曰文王詢于八虞訪于辛尹重之以周召畢祭 加於此以之而監商則其德望有以素服天下夫何 以克動小物則年彌髙而德彌邵矣孟子曰所謂故

容貌不敢生慢易馬則其善心油然而生故必正色 修故必畢公之正色率下問不祗師言乃可以鎮服 其不能正也則其言孰信之哉故必正色率下而後 言也無不敬而法之盖非法不言則必能口無擇言 而後可以率下也惟能正色以率下故有所不言其 可度以臨其民是以其民畏而愛之則而象之望其 祗師其言商之頑民以利口靡靡為俗而又驕淫矜 口無擇言則必能言消天下無口過故祗師之也使

王曰嗚呼父師今予祗命公以周公之事往哉旌别淑 憂今既得異公矣故康王可以責成之也 盖當是時天下之民已盡向化法度紀網已盡得其 我小子将垂衣拱手於廟堂之上惟仰公以成之也 商民也如此故雖其在先王之世其功績已為多今 條理惟商民之未能擴然不變康王每以為東顧之

之此康王之所以命畢公也惟畢公之德可以鎮服

钦定四車全書

尚書解

愿表殿宅里彰善潭惡樹之風聲弗率訓典殊殿并疆

允修惟周公克慎厥始惟君陳克和殿中惟公克成殿 散化奢麗萬世同流兹殷庶士席 龍惟舊恬侈減義服 尚體要不惟好異商俗靡靡利口惟賢餘風未珍公其 訓王曰嗚呼父師邦之安危惟兹殷士不剛不柔厥德 能訓惟以永年惟德惟義時乃大訓不由古訓于何其 美于人驕淫矜修將由惡終雖收放心閉之惟艱資富 念哉我聞曰世禄之家鮮克由禮以湯陵德實悸天道 便克畏·慕中畫郊圻慎固封守以康四海政貴有恒辭

前政 惟既厥心罔曰民寡惟慎厥事欽若先王成烈以休于 基亦有無窮之聞子孫訓其成式惟人嗚呼罔曰弗克 罔不咸頼予小子永膺多福公其惟時成周建無窮之 漢荀悅有言君子以情用小人以形用祭厚者賞罰 答以加小人化其形也君子不犯辱況於刑乎小人 之精華數故禮教祭辱以加君子化其情也桎梏

終三后協心同底于道道治政治澤潤生民四夷左衽

飲定四車全書

尚書解

為不善在上者徒以政刑而制御之則亦強制之而 恃以鼓舞天下使之遷善遠罪頑夫廉鄙夫寬變其 有耶且格盖天下之人不知夫如是而為善如是而 之以政齊之以刑民免而無恥道之以德齊之以禮 於天下則莫大於使民知耻而有所不為孔子曰道 氣質而有士君子之行者惟教化而已矣而教化行 之域教化之行引小人而納於君子之塗蓋先王所 不思刑況於唇乎若教化之廢攘中人而墜於小人

則 敬命公以周公昔日監殷民之事周公之監殷民惟 故康王既言畢公之德可以鎮服殷民如是謂今我 制其外而不能格其心惟以德禮為鼓舞天下之術 於朝廷盖亦不容於鄉黨之間則孰有不不變者哉 已矣民將惟務巧詐百出以茍免於罪戾其刀鋸斧 日漸月染晓然知善之可慕不善之可恥如好好 如惡惡臭其有放解那仍自暴自棄者不徒不容 所不可得而加者民則肆為之矣盖政刑惟可以 5

飲定四庫全書 言王教之所以立不在乎他惟使善者有以表暴於 病孰不思所以自反哉如此則是立之風聲使民知 顯於世而為惡者恥其不若則必以為病矣既以為 善則當於其所居之里在表之以異於衆為善者彰 分别其善惡使斯民有恥心公之往東郊不可不念 所從也風即詩曰風風也教也聲即禹貢聲教是也 里别即所謂殊殿井疆宅居也言商民有自反而為 也強別淑愿此一句為下之總目难即所謂表厥宅 卷三十八

天下而惡者以為病則是立之也自漢以来問卷之 馬不變命國之右鄉簡不帥教者移之左命國之左 日習射上功習鄉上齒大司徒帥國之後士與執事 表其門問正表厥宅里之遗制其有不率訓典則殊 民有事親居丧者至行者有數世同居者天子皆旌 别其并居之疆界俾能畏為不善之禍而慕為善之 **触惡命鄉簡不帥教者以告香老皆朝于上庠元** 則其俗不變矣王制曰司徒上賢以崇德簡不肖 与皆件

飲定四庫全書 與善民雜居或染善為惡故殊其井田居界令民不 為井田也顧使民相親愛不循教者其人不可親近 友守望相助疾病相扶持則百姓親睦然則先王之 **俚之畏習射習鄉則俾之慕唐孔氏曰孟子云方里** 左移之右移之郊移之遂所謂殊厥井疆也移之則 不變移之遂如初禮不變屏之遠方終身不齒移之 鄉簡不帥教者移之右如初禮不變移之郊如初禮 而井井九百畝使民死徙無出鄉鄉田同井出入相

· 足日事 全書 界亦當申重而規畫之守備亦當慎而固之孟子曰 與往來猶今下民有大罪過不肯服者則擴出族黨 封守之固然後可以表厥宅里殊厥井疆慎固封守 故暴君汙吏必慢其經界經界既正分田制禄可坐 則非所謂慢其經界如此然後可以安四海此一東 而定也經界正然後可以分田制禄故必郊圻之畫 仁政必自經界始經界不正井地不均穀禄不平是 之外吉凶不與交通此說為盡不獨此也郊色之境

異則商君之徒也立辭而好異則楊墨都行之徒也 益莫不合於人情與夫先王之道解有體要則其言 辭尚體要言政之所貴者惟在有常辭之所尚者惟 郊耳而日康四海亦上文四方無虞之意政貴有常 談議論莫不近於人情與夫先王之道首為政而好 在體要二者皆不可以好異也政有常則其因革損 辭既不可以好異而商民之為俗也乃靡靡然以利 口為賢以利口為賢則必樂人以口給夫樂人以口

一次足口車全書 一尚書解 絕畢公不可不以是為念也盖欲畢公思所以盡變 陳言足以飾非於人臣以能高天下以功故其臣民 蔡矣以殷民之未能遷善遠罪故不擇而用之而商 而應之相挺而為亂惟其靡靡利口故也周既平管 化之亦以利口為賢觀管蔡一倡其流言而商民起 之之道馬殿民心術盖染於紂之惡習科智足以拒 公君陳監之亦化厥訓矣而未能盡其變餘風猶未

給者属帽於人而乃以為賢其好惡之反如此雖問

最甚故以世禄之家為言言古人有言謂卿大夫以 民謂殷家於夏之士迪簡在王庭有服在百僚而周 蘇氏謂秦俗似商俗秦二世似紂張釋之所陳則康 治之而其士大夫之同惡者則遷之成周以其頑之 王以告畢公者也其言是矣殷民之居舊都者康叔 病之處殷民之不善盖在於此故康王以戒畢公也 以各周則其利口盖優為之也盖治病者必知所受 於殷之士不然不知其賢否之不同而每以此籍口

德既陵夷而大壞則實悖亂於天道矣盖天命之謂 本如是哉故為悖天之道也夫以不善之化而其奢 生之物則而順其所固有以蕩陵德此豈天之降衷 貴之道子孫未當知勞而坐享之則其不由禮必矣 惟不由禮故以其放蕩之故而其德遂陵夷而大壞 鲜克由於禮盖其祖父建立之難故知所以長守富 率性之謂道民之東鄰而好是懿德則不失守天

与書拜

其功德之者受禄於其君而子孫世世有之則其家

之則殷之俗使非三后亦将如秦俗至今猶在是之 立而辞語抱哺其子與公併侶婦好不相說則反唇 亦與之同流矣蘇氏曰惟惡能及遠故秦之俗至今 麗如此尚無以變之則歲復一歲世復一世雖萬世 分家貧子壯則出贅借父擾鋤處有德色母取箕帚 其無周公君陳畢公之徒以為之司牧故耳以此 在此說甚善如賈誼所論泰之俗家富子壯則出 相稽今世之俗盖如是矣是秦之故習未改也惟

陵德也盖善不善之習如權衡然此首重則彼尾輕 項弁王總子藏鷸冠之類非先王之法服故美于他 必将以惡終今雖以周公君陳之故能化其訓而收 勢亦已久矣故怙恃其奢侈以滅其義滅義即所謂 謂萬世同流今此殷之衆士盖以世禄之故其籍寵 而又且自於夸於人德義何有哉服美于人若子王 德義積諸身則放蕩奢侈之習自消既放蕩奢侈矣 人也夫既驕傲淫佚又以此自夸於人苟不知變則 的各样

新定匹库全書 其放心畢公之所以防閉之者亦不可謂易也夫人 富惟以無逸之故逐能享國之永今殷士惟能以富 驕何如子曰未若貧而樂富而好禮者也盖富而能 之情儉生於貪侈生於富彼既富於財則必將用之 而知教訓則豈不永其年乎盖商士以世禄之家非 好禮則可以長守其富矣故以富之資而知教訓則 如泥沙此其所以驕淫矜侉也故子貢問曰富而無 可以永其年矣觀無逸所論商三宗彼其享四海之 老三十八

灾色日草白 奢侈遂至於陵德賊義失其所同然者訓之者亦因 稽之前古揆之當今惟此理而已故德義之訓必由 古訓尚非古馬則何足以大訓乎盖天下之理一也 其所同然還以治之而已然所謂德義之訓者必由 有以予之也亦非强彼所無而習之也惟彼以放荡 此夫德義人心之所同然其所以訓之者非推我所 謂訓者不在乎他惟德惟義而已所謂訓者莫大於 尚書解

不富也所乏者能訓耳故以永年而誘掖之也然所

庶士席寵如此惟恐無以開之則知武王之數針之 周邦之安與危惟在殷士之化與不化而已當康王 古之仕者世禄賞延于世舜之盛德文何皆哉此言 惡相濟如此篇所稱故得以其官人以世為罪不然 罪以其官人之世也盖殷之世家驕淫矜侉與紂同 於古也惟康王以世禄之家乃至於恃天道而殷之 之命畢公之時殷之頑民以周公君陳監之之故世 變風移已式化厥訓則是商民之已遷於善而周邦

更 飲 是 日 事 名 · · · 時而復作如此則雖天下之民已盡按堵若有泰山 化而周邦之安則惟在於政之不剛不柔盖政不可 服從教訓而心未能統一於善則其驕於法传盖有 同於善而不反則問邦信乎有泰山之安尚其一時 殷之頑民雖已漸染於周公君陳之教訓使其能自 者半九十言未路之難也書曰為山九伊功虧一簣 之安而實有累卵之危不可以不戒然則欲殷士之 尚書解 九

之已安而其言猶曰那之安危惟兹殷士盖行百里

心若出於一則可以同致于道道既浹治則其政事 君陳又能成之於其終此三后之所以化商民者其 梅以成其味然必鹹酸不可得而名言謂之為鹹則 以無剛柔而剛柔俱不可以偏勝如和羹馬必籍鹽 於始矣君陳之代周公又能和之於其中畢公之代 不剛不柔則其德信乎修矣商民之居於成周也盖 不可謂之為酸則亦不可然則為和羹之善此之謂 始自周公管洛邑以遷之而為之師保周公既慎之

矣而說者必從而為之分别周公如是而為慎君陳 公之協心其效為如何耶夫既謂之協心則其道同 繼之因民之疾秦法順流與之更始二人同心逐安 必謹則其中其終不必謹邪其中必和則其始其終 海内夫以蕭曹之同心其效猶如此則周公君陳畢 無不咸治故可以澤潤生民不獨中國也雖四夷左 如是而為和夫謹於終謂之成此所當然尚於其始 社之那亦得所恃賴矣觀漢之初蕭何為相而曹參 出書料

言者古人有言曰滿堂而飲酒有一人向隅而悲泣 東王之命畢公以周公之事而其所謂周公之事者 不必和那如必分别其所以然則其說必至於此且 則一堂皆為之不樂天下之勢猶一堂之上也一國 在罔不成賴所治者成周之殷民而已四方四夷為 此篇既日四方無虞又日以康四海今又日四夷左 旌别淑愿之意舉此一端觀之則三后豈有異道哉 **旌别淑愿而已君陳之簡殿修亦簡其或不修是亦** 四库全書

鉑

定

Additional to the second 畢公之監商民之故後世若論周家光有天下之效 治為我周邦立無窮之基則公亦有無窮之名顯於 於是故我小子可以永受此福也公其以是成周之 必在於商民也中國夷狄皆已安寧天下之福孰大 下不安則四夷東間而起矣此四夷左衽之所頼者 通王室天下之根本所係殷民不安則天下可處天 後世盖周之基業所以縣縣延延而無有窮已者以 尚書解

邑有反側不安則天下之勢必危盖成周殷民密

惟在乎人之所為如何耳不可以為難而自沮亦不 克惟既厥心罔曰民寡惟慎厥事天下之事無難易 治者乎成王之戒卿士曰萬邦惟無戰戒君陳曰終 孫得以訓法其成式惟以治也訓其成式則烏有不 必將歸美於畢公此無窮之間也有無窮之間則子 有辭于永世此曰亦有無窮之聞皆謂其實著則其 以己吉凶與民同患為說楊龜山辯之詳矣罔日弗 名自顯效之必至也王氏以極高明道中庸制行不

鉝

庭四届全書·

敬順先王之成業以美于前人之政前人謂周公君 事則雖寡民未有能治者矣既其心慎其事則可以 則豈有不能者哉無以其民為寡而不足為不謹其 陳守之而不失所以美之也以畢公之懋德克勤小 物則必不自以為不能也必不以為民寡而忽之也 未有不若是也夫以堯舜之盛德而其臣成之之言 而猶以此戒之盖前世帝王君臣之所以相告戒者 尚書鲜 Ī

可以為易而忽之故謂畢公無以為不能惟盡其心

金牙四八全書 常若庸主之所為者不如是無以革其非心而勉其 不及也

穆王命君习為周大司徒作君引君才王若曰嗚呼君

牙惟乃祖乃父世篤忠負服勞王家殿有成績紀于太

常惟予小子嗣守文武成康遺緒亦惟先王之臣克左

作股肱心膂續乃舊服無恭祖考弘敷五典式和民則

右亂四方心之憂危若蹈虎尾波于春水今命爾子翼

君牙

周書

辟之有人 啓佑我後人成以正罔缺爾惟敬明乃訓用奉若于先 先正舊典時式民之治亂在兹率乃祖考之攸行昭乃 一對揚文武之光命追配于前人王若曰君牙乃惟由 穆王康王之孫昭王之子名滿大司徒卿官周禮曰 ちょうま

以圖其易民乃寧嗚呼丕顧哉文王謨丕承哉武王烈

惟曰怨咨冬祁寒小民亦惟曰怨咨厥惟艱哉思其艱

爾身克正罔敢弗正民心罔中惟爾之中夏暑雨小民

新定匹庫全書 **■** 典為君牙祖考之舊服則君牙之祖考盖皆典是職 矣累世司徒之官盖若鄭桓公武公父子繼為周司 紀載之以為此篇也篇内有日弘數五典式和民則 牙為之王若曰嗚呼君牙以下皆其命之之言史官 此正大司徒之職也穆王以大司徒之職所當為者 國則大司徒教官之長也是時大司徒缺榜王命君 乃立地官司徒使率其屬而掌邦教以佐王安擾邦 而命君牙且先之以續乃舊服無恭祖考以洪敷五

大三日 · 15 世臣之後則必稱楊其先世之功德又欲其纂而行 襲火職雖以經之文前後參較知其若此然經無明 夷之詩也而其言有曰文武受命召公維翰無曰予 之則可以無恭其職也江漢之詩宣王命召虎平淮 在穆王之世為之則君牙者竊意是的伯之子孫世 小子召公是似常武之詩宣王命皇父平徐方之詩 文不敢必以為然也前世帝王之命其臣而其臣或

徒也敏成王之將崩康王初立的伯為司徒而君牙

事不獨以發大其先以眩耀於天下盖使夫思所以 也而其言有日赫赫明明王命卿士南仲太祖太師 繼之也君牙之先既世為司徒将欲其無忝祖考則 皇父盖召公召虎之祖南仲皇父之祖召公日辟國 道所謂臣道忠貞而已晉獻公曰何謂忠貞省息曰 必為之言其祖考之所以然也孟子曰欲為臣盡臣 王室故當命召虎皇父握兵出征之時則必稱远其 百里而南仲之城朔方則凝狁于襄皆有大功載在 巻三十八 たこの日から 于王旌以識其人與其功也禮記曰夫鼎有銘銘者 有功者銘書于王之太常注曰銘之言名也生則書 常王者之旗則畫日月於其上昭其明也司熟曰凡 太常也周禮司常掌九旗之物名日月為常王建太 無外心也君牙之祖與父世世皆為於忠貞之道是 觀首息所言之意則知忠貞者皆謂致力於王家而 公家之利知無不為忠也送往事居親俱無猜負也 以能服動於王家惟其服勒故有成功可以紀之于 尚書解

武基於西土積德累功以創造大業而成王康王持 懼不克負荷其賣重矣然文武成康之所以治天下 盈守成致天下於太平而我以小子嗣守其遺緒常 我小子之君天下也盖繼守文武成康之遺緒白文 也紀于太常是亦如鎮鼎之有銘皆明著之後世而 自名也自銘以稱揚其先祖之美而明著之後世者 者盖皆有賢臣以左右輔助之故能治四方以文武 已矣惟明著之後世則後世可不思所以繼之乎今

てこうら 成康而又加以克左右之臣今穆王之德自謂不及 先王而又未有先王之臣此心之所以憂危也蹈虎 尾不咥人亨月令孟春之月東風解凍水至於春其 尾者必不免於噬涉春水者必不免於溺易曰履虎 将釋矣而乃汝也此皆言其憂危之甚也我之憂危 成作股肱心膂盖言其與我一體也齊背也汝之為 脏心齊傳曰君為元首臣為股脏明良一體相須而 如此今既得君牙則命之輔翼我一人以為我之股 At dula 尚書鮮

則馬近取諸身百骸五臟達之於君臣父子夫婦長 我股肱心齊惟能繼汝祖考之情事不爲爾祖考之 唇則可矣爾祖考之舊事盖以五典而教民爾能大 布五典之教使民之則各得其和則為能續之也王 身之則也為君而止於仁為臣而止於忠為父而止 幼朋友皆物也而各有則視聽言動必由禮馬此一 氏曰天生烝民有物有則所謂民則者此也是也楊 龜山曰孟子曰有物必有則盖曰有物矣則物各有

牙田匠 三丁

灾 配 日 是 人 九 二 長幼有序朋友有信此夫婦長幼朋友之則也所謂 司徒教以人倫父子有親君臣有義夫婦有別長幼 媛衣逸居而無教則近於禽獸聖人有憂之使契為 司徒敬敷五教在寬而孟子亦曰人之有道也飽食 五典之民則者此言盡之矣書載舜之命契曰汝作 於慈為子而止於孝此君臣父子之則也夫婦有别 已矣周禮司徒掌施十有二教鄭康成日有虞氏五 有序朋友有信洪敷五典式和民則盖不過如契而 尚書解

弗正民心問中惟爾之中此言數五典以和民則其 而求其孝非恕也有兄不能敬有弟而求其聽令非 本在於君牙身之正心之中也傳曰君子有三恕有 君不能事有臣而求其使非恕也有父不能報有子 也盖十有二教不可即以為五教也爾身克正問敢 五典五典即五教也而以為有虞氏五周十有二何 而周十有二馬案經周官之言六卿分職曰司徒掌 邦教敷五典擾兆民此命君牙為大司徒又曰洪敷

求斯民之父慈子孝可乎不能盡兄弟之道而求斯 道德之所鼓舞其孰有不中不正者乎王氏以身正 求民之中身誠正矣心誠中矣則其教化之所漸摩 之嚴明終不能以和之也是必以身觀身以心觀心 不然其為不恕莫大於是雖使其號令之語復政刑 民之兄愛弟恭可乎以至於君臣夫婦朋友之間莫 爾身之正然後可以求民之正獨心之中然後可以

恕也然則敷五典以和民則若不能盡父子之道而

為政以心中為德意欲以分優劣淺深此盖泥於孔 道哉於身則先言爾於心則先言民盖反覆言之以 政則必以心之中為德矣殊不知心正身修豈有二 子曰政者正也子率以正孰敢不正既以身之正為 公召公毛公畢公是也四時運行一寒一暑雖本於 以稱三公之任故也以六卿兼三公此周家之制周 行三公之事者故以暑雨祁寒寫言欲其變理陰陽 發明其意也祁寒盛寒也君牙竊意其以司徒而兼 田屋台灣 文 E D A C A S 军相漢丙吉行逢人逐牛牛喘吐舌吉止駐使騎吏 相所致則夫居三公之職而佐天子以變理之使夏 者未嘗不引惡而歸於已天下之人未當不歸谷於 度民豈以為天之過哉其怨恨咨嗟之聲必以為君 以相感者也使夫寒暑之失其常時雨明之失其常 天而所以變調之者實本於人盖天之與人精神有 難而忽之也自漢以來陰陽一不調宰相之知大體 無起陽冬無伏陰咨怨之聲無自而發不可以不為 尚書解

問逐牛行幾里矣或以問吉吉曰方春少陽用事未 交正是公司 和臣之各也此皆引惡以歸於已若夫楊再思為相 恐布德施今有所虧紊臣位军相助天治物治而不 季秋出梨花示军相军相以為祥杜景佺日陰陽不 害也三公典調愛陰陽職當憂是以問之唐武后當 可大熱恐牛近行用暑故喘此時氣失節恐有所傷 相奪倫濱即為災今草本黃落而木復華瀆陰陽也 時水沙閉坊門以穰有車陷于寧斥牛不前悉曰癡

集則武王代商之功所以繼其志述其事而已此武 無有咨怨者此民之所以寧也文王之居於岐周也 後視之則為易故當思其艱以圖其易盖至於易則 咨者矣方其未調之前視之豈不爲艱及其既調之 王之烈所以為玉承其曰不者王氏謂積小成大盖 雖三分天下有其二以服事商然伐斜之謀盖自文 王而啓此文王之謨所以為丕顯惟文王之大統未

宰相不能和陰陽而閉坊門遣我艱于行則所謂怨

歃 榜王之世正而罔缺其盛為何如哉惟其誤烈之 故四夷交侵中國衰微以其缺而不振如此則知當 海之内所以盡得其所若六月之序言鹿鳴廢則和 廢缺既無廢缺故紀綱法度所以盡得其係理而四 之烈所以開格佑助我後之人者皆以正道而無 以揚子曰由小致大不亦不乎故也文王之謨武王 定四庫全書 樂缺之類以属王之世廢缺如此則其失正者多矣 汝當有以維持而昭明之故惟敬明其五典之訓則

謨烈者但指伐商之事楊龜山已辨之矣先正蘇氏 盖称君牙洪敷五典以奉順之也王氏則以謂聖 光命而追配于汝之前人祖考也此言文武之誤烈 而式之盖以民之治亂惟在此式與不式而已此 日周召畢公之流是也言君牙惟當率由先正舊典 所言者每以續租考為言此又曰先正亦猶成王之 以為誤烈亦敷五典之教以和五品之民殊不 与書解

可用以奉順先王之道答揚文武所以啓佑後人之

日子讀穆王之書三篇然後知周德之良有以見也 臣能稱職則其功必歸於君此古今之常理也蘇氏 君之有治功於是而昭顯矣盖君之治功實自於臣 古先哲王也既式先正而又循其祖父之所行則汝 告康叔既日祇適文考而又曰敷求殷先哲王别求 世君裁而賊不討也而王初無憤耻之志今觀君牙 夫昭王征而不復至齊威乃以是問楚是終穆王之 問之書皆無哀痛惻怛之語予竊謂不然南征

金定匹庫全書

卷三十八

復之事載於左傳使穆王誠無憤耻之意是誠可罪 昭王不復而吕氏春秋曰昭王親将兵征蠻荆字餘 然夫子之於書雖平王不克終然其一時有志於中 過自艾之語夫子取之此文侯之命泰誓所以預於 與之言夫子取之雖秦穆公不能踐言然其一時悔 之哀有見於此夫子豈以其衰而取之乎左傳以爲 夫子亦以是而取之不得以昭王之事而謂其問德 百篇也如穆王之三篇其言純正明白有功於治體 尚書解

予弗克于德嗣先人宅不后休惕惟属中夜以與思免 穆王命伯冏為周太僕正作冏命冏命王若曰伯冏惟 冏 鉗 靡長且多力為王右還反涉漢深敗王及祭公閒 th 漢中辛餘靡振王北濟又以昭王為脫於難不知何 定匹厚全書 卷三 ナハ 周書 Ĵ

僕從問匪正人以旦夕承弼殿辟出入起居問有不欽

惩昔在文武聰明齊聖小大之臣成懷忠良其侍御

良實賴左右前後有位之士匡其不及絕忽糾繆格其 弗克祗殿辟惟予汝辜王曰嗚呼欽哉永弼乃后於尋 德惟臣不德惟臣 爾無明于檢人充耳目之官 迎上 臣懋乃后德交修不逮慎簡乃僚無以巧言令色便 發號施令罔有不臧下民私若萬邦咸休惟子一人 先王之典非人其吉惟貨其吉若時源殿官惟爾大 媚其惟吉士僕臣正厥后克正僕臣諛厥后自聖 心俾克紹先烈今予命汝作大正正于羣僕侍御之 尚書解

憲 案周官司馬之屬大僕下大夫二人祭僕中士六人 言僕者此亦侍御於車周官大僕既爲僕官之長先 伯冏臣名大僕正僕官之長漢孔氏謂大馭中大夫 注於大取而下曰取之最尊於戎僕之下則不曰取 大夫二人道僕上士十有二人田僕上士十有二人 御僕下士十有二人注曰僕侍御於尊者之名大僕 其長也大駅中大夫二人我僕中大夫二人齊僕下

定匹庫全書

卷三十八

儒不以大僕正為大僕而乃以為大馭者盖大僕既 僕者此亦周禮注所謂侍御於車者也移王得伯問 為前驅而已大取掌馭王軽與王同車既親近於王 之臣曰犀僕則我僕而下皆是我僕中大夫其位在 而又位為最長則大僕正非大馭而何不言馭而言 於大僕之上故知是大取也且大僕之職王出入則 下大夫而大馭乃上大夫此篇又曰正于羣僕侍御 以為賢而命之以為羣僕之長盖僕御之官雖若早

たこう

nat de desa :

尚書解

賤而人主之德所以或成或不成者實係於此以其 井莫不皆有休惕惻隐之心則休楊者心之不安也 為此篇此篇與君牙皆是命體君牙之命篇則但以 僕無非賢者矣故榜王以冊書命之而史官記載以 故曰林惕惟属厲危也言我不能修德而乃繼先入 意也休惕憂懼之意孟子曰今人乍見孺子將入於 其名此則去伯而加以命字是亦各其史官一時之 與王同車為最親近故也既得賢者以為其長則犀

昔在文武以下則所言免厥愆者惟在於小大左右 日二書皆無哀痛惻怛之語此非惻怛之語而何自 於身者聰足以聽德明足以視遠而又有齊聖之德 惟厲成湯之所謂慄慄危懼者亦不是過也而蘇氏 之臣莫非正人也昔文王武王之君天下其德之積 尚書解

惕然不自安半夜而與思所以免於愆過也穆王之

命君牙曰心之憂危若蹈虎尾其命伯冏則曰休惕

以居大君之任懼其不克負荷以遗先人之羞故休

閥而匡救其惡此聰明齊聖之德所以盛也故其出 夕之間有以承弱其君獻可替否陳善閉邪彌終其 僕從之在左右者亦無非當世之正人此諸臣於旦 以其在朝之臣無小無大皆懷忠良之道雖其侍御 則德之克實輝光可謂至矣文武之德所以盛者則 **皮四库全書** 人起居則無有不敏發號施令則無有不善以此之 巻三十八

致而德之所以盛則以其臣承弼之所致也觀立政

故下民敬順之而萬邦至於皆美也此皆盛德之所

其人使左右而非其人則朝夕與之居處漸染浸漬 朝廷之大臣欲得其人至於左右近習尤不可以非 從罔匪正人可知矣夫人君之所以治天下者不惟 **賣級衣趣馬小尹左右攜僕庶常吉士則其侍御僕** 雖小大忠良必侍御僕從皆正人而後可中庸曰惟 已靈孰與有為哉孟子曰一薛居州獨如宋王何故 人於邪解而不自知雖大臣或得天下之傑而君心 尚書解

言文武之臣不徒常伯常任準人之得人也至於虎

通天地之所覆載日月之所臨照霜露之所墜凡有 是以聲名洋溢乎中國施及蠻貊舟車所至人力所 者也見而民莫不敬言而民莫不信行而民莫不悦 敬也文理密察足以有别也盖文武所謂聰明齊聖 施令問有不臧下民祗若萬邦咸休者也論聖人盛 血氣者莫不尊親則所謂出入起居罔有不飲發號 以有容也發强剛毅足以有執也齊莊中正足以有 天下至聖為能聰明睿智足以有臨也寬裕温柔足

发四层分書

卷三十八

國定故榜王之紹先烈必本於此曰不及日愆日終 適也政不足與問也惟大人為能格君心之非而後 臣正其不及而彌維之繩正其惩過而糾察其終尤 為德者盖本於臣之力文武猶不能自成其德況移 則其發於外者其機如此理之必然也而文武所以 德無以加此盖其積諸中者既克實輝光而不可揜 以格其非心則可以克紹先烈也孟子曰人不足與 王乎故穆王自謂無良必賴於左右前後有位之士 尚書解 1

쉾 善為能學善伯問正則屋僕侍御而有一不正者必 翼薰猶不同器君子小人不同事惟賢為能知賢惟 齊僕之類產僕侍御即所謂左右前後之士移王欲 則可以勉進君德而交修其所不及馬犀僕即戎僕 僕官之長凡犀僕侍御之臣汝皆有以統率而正之 而後已惟其有賴於左右前後之臣故今我命汝作 曰非心其實一也皆欲其輔養獨縫致於無過之地 定匹庫全書 左右前後之得其人惟得一伯冏可矣盖鸞隼不同 卷三十八

而其要則在於其長汝既爲僕官之長則夫羣僕侍 慎簡乃僚則知周之世官長皆得自群其僚屬也故 謂不以正道事其君者也大僕正中大夫耳而得以 便解側妈之人而進之惟吉士則可也便解側媚皆 御之臣與汝同僚者汝當謹擇之不可以巧言令色 定日華全書 唇陸暫請臺閣長官得自薦其屬而引此以為言魏 元同論選舉法弊亦引此也羣僕之臣皆以正道事

不能與之一朝居也故左右前後皆不可以非其人

萬一而其臣传之以為遠過於堯舜禹湯則豈不自 其君則其君必正夫達生麻中不扶自直習與正人 負以為聖乎昔子思言於衛侯曰君出言自以為是 自以為聖盖其君之處心行事曾未及堯舜禹湯之 居其勢不能無不正岩其阿諛以媚其上則其君必 詩日具日子聖誰知鳥之雌雄抑亦似今之君臣乎 庶人莫敢矯其非君臣既自賢矣而羣下同聲賢之 而卿大夫莫敢矯其非鄉大夫出言自以為是而士

其言諄諄反覆惟欲其謹擇賢類以交修於我一人 臣之諛也夫自以為聖者譬如掩耳盗鈴已則不 盖臨亂之君如禁約幽厲未有不自以為聖者以其 故每用於天子素所倚信之人一非其人則其臣力 也漢世縣東之官最為要重以其職於天子為親近 惟后之德與不德皆在於僕臣故穆王之命伯問也 其聲而謂他人亦不聞之惟僕臣之正則其后克正 **諛則其后自聖自后之德與夫不德惟在於僕臣也**

钦 足 日 車 全 書

尚書解

三九

載辭日觀古圖畫聖賢之君皆有名臣在側三代末 争以為不可此盖得周之遗法穆王之遺意文帝使 帝笑下談談哭下車成帝遊後庭欲與班便得同董 趙談縣乗袁益伏車前日天子所與共六尺與者皆 王之左右前後而懋乃后德交修不逮故謂之耳目 止此漢家之制度然也耳目之官即羣僕也以其在 主乃有嬖女今欲同董得無近似之乎上善其言而 天下豪傑今漢雖之人獨奈何與刀鋸之餘共載文

不可親昵于小人以充此耳目之官以小人而充之 則必導上以非先王之典矣汝所用者皆非其人之 萬五千爲薦之平蜀安國崇文固可用然乃以其貨 侯多藏此惟貨其吉是也漢韓安國以五百金遺田 能任官而病之矣薛博士曰詩刺皇父擇三有事亶 古善但以行貨之故逐以為古而薦之若是則必不 蚡蚡言於太后逐召用之唐杜黄裳納高崇文錢四 尚書解


之官惟僕臣之重如此汝之所以擇之也不可不謹

貨之人為大不祗厥辟之意盖人臣之所謂恭敬固 無以仁義與王言為不敬莫大乎是此穆王以用行 之罪也景子謂未見子之所以敬王孟子則謂其人 而使之病其官則是汝大不能敬其君我實以為汝 而得舉論者深以為罪况非其人哉若用行貨之人 欽也穆王之於問既戒之以巧言今色便解例媚之 不在於聲音笑貌之間也欽哉此終戒之以不可不 人又戒之以檢人又戒之以行貨之人盖若人而用 卷三十八

實左氏傳曰穆王欲肆其心周行天下將皆必有車 --僕御豈有敢導王為非者而王之言既然則亦豈肯 觀此篇其言純正明白切於治體彼其於僕御之臣 母於瑶池蘇氏因之遂以穆王之書為問德之衰今 轍馬迹又有謂得八駁以造父為御西巡守會西王 法則惟當謹簡古士而已後世之論移王者多過其 之則豈能弼汝君以常法哉汝當輔弼其君永以常 丁寧反覆如此至謂慎簡乃僚無以便解側媚則其 1 尚書解

為無方之遊哉以是知世之論穆王者皆好事者為 之也當以書為正 尚書全解卷三十八

第三十三頁後六行田僕上士十有二人利本十 第二十四頁後八行何謂忠貞利本貞沿宋諱作 謹案第十四頁後四行莫不合於人情利本於訛 第三十一頁後八行今觀君习伯冏之書刊本冏 與今改 沿宋諱作景今改 正今改後仿此不被為 有能有十令改





整録舉人臣汪志伊校對官檢討臣襲大萬 覆校官編修臣劉種之